



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

II. Neuter ab altero debet exigere professionem.

urn:nbn:de:hbz:466:1-15588

percipiat. Ad Eboracam vero ciuitatem volumus mittere, quem ipse iudicaueris ordinandum, ita vt si eadem ciuitas cum finitimis locis verbum Dei receperit, ipse quoque duodecim episcopos ordinet, & metropolitani honore perfruatur: quia ei quoque si vita comes fuerit, pallium tribuere, Domino fauente, proponimus, quem tamen tuae fraternitatis dispositioni volumus subiacere. Post obitum vero tuum ita episcopis, quos ordinauerit, praesit, vt Londoniensis episcopi ditioni nullo modo subiaceat. Sit vero inter Londonia & Eboracae ciuitatis episcopos in posterum honoris ista distinctio, vt ipse prior habeatur qui prior fuerit ordinatus. Communi autem consilio & concordia actione quaeque erunt pro Christi zelo agenda, disponant, vnanimiter recta sentiant, & ea quae senserint, non sibi met discrepando perficiant. Tua ergo fraternitas, non solum eos episcopos quos ordinauerit, neque eos tantummodo qui per Eboracensem episcopum fuerint ordinati, sed etiam omnes Britanniae sacerdotes habeat, Domino Deo nostro auctore, subiectos, quatenus ex vita & lingua tuae sanctitatis, & recte credendi, & bene viuendi formam percipiant, atque officium suum fide & moribus prosequentes, ad caelestia, cum Dominus voluerit, regna pertingant.

CAP. II.

Item Alexander III. Eboracensi archiepiscopo.

In hunc modum plures Romani pontifices a tempore beati Gregorii scripserunt. Nos antiquam Eboracensis ecclesiae integram dignitatem conseruari, auctore Domino, cupientes, & praedecessorum nostrorum Romanorum pontificum vestigiis inhaerentes, auctoritate apostolica prohibemus, ne vltius aut Cantuariensis archiepiscopus ab Eboracensi professionem exigat, aut Eboracensis Cantuariensi exhibeat, neque, quod a beato Gregorio prohibitum est, vilo modo Cantuariensis Eboracensis iurisdictioni subiaceat: sed iuxta patris eiusdem constitutionem, ista honoris distinctio in perpetuum conseruetur, vt qui prior ordinatur, prior habeatur. Sed si Cantuariensis archiepiscopus, ab Eboracensi electo manus consecrationis subtraxerit, quod videlicet iuxta ecclesiarum suarum morem, ab Honorio sedis apostolicae pontifice sibi debetur,

ANNO
CHRISTI
1179.

liceat eidem Eboracensi secundum communem consuetudinem, & Honorii patris nostri sanctionem, vel domini nostri Paschalis mandatum a suffraganeis auctoritate Romani pontificis consecrari.

C A P. III.

Idem vniuersis ecclesie Cantuariensis suffraganeis.

Cum non ignoretis, venerabilem fratrem nostrum Cantuariensem archiepiscopum vobis non solum metropolitico, sed etiam iure legationis præesse, mirabile satis est, quod quidam vestrum (sicut audiuius) asseuerare præsumpserunt, quod idem archiepiscopus nullam causam de episcopatibus vestris, siue legationis, siue metropoleos iure, audire debeat, nisi per appellationem ad ipsum deferatur. Sane licet metropolitico iure forte non debeat causam de vestris episcopatibus, nisi ad eum per appellationem deferatur, audire, legationis tamen obtentu vniuersas causas, quæ de ipsis episcopatibus per appellationem vel per aliquam querimoniam perueniunt ad audientiam suam, audire potest & debet, sicut qui in prouincia tua vices nostras gerere probatur. Mandamus itaque venerabilitati vestræ atque præcipimus, quatenus causas quæ de episcopatibus vestris ad eundem archiepiscopum referuntur, eius iudicio relinquatis: nec quemlibet clericum vel laicum vestræ iurisdictionis deterrere vel impedire tentetis, quo minus causas suas ad præfatum archiepiscopum, si voluerit, transferre possit.

9. q. 3. Con-
quellus.
Dist. 65.
Quoniam
nos. 25. q. 1.
Seruatis. 11.
q. 1. Perue-
nit.

* vestra

C A P. IV. *Idem nobilissimo duci Venetiæ.*

Cum essemus Venetiæ, & ibi diutinam moram fecissemus, proposuisti nobis constanter atque solícite, sæpe contingere, quod cum inter clericum & laicum tuæ iurisdictionis de pecuniaria causa controuersia vertitur, clericus ad nostram appellat audientiam: & personis extra terram tuam existentibus, iurisdictionis causam impetrant quandoque committi, qui super huiusmodi causis iudicare nolunt, aut nesciunt legem aut consuetudinem Veneticorum. Vnde quia occasione ista tam frequenter a laicis clerici indebite fatigantur, & damna grauiâ sibi prouenire proclamant; nos fauore tuæ deuotionis inducti, & tuis